



Bosna i Hercegovina
Federacija Bosne i Hercegovine
Hercegovačko – neretvanski kanton
Grad Konjic
GRADONAČELNIK



Broj: 09-36-2-2972/26
Konjic, 21.07. 2026.godine

Na osnovu člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09) člana 38 Statuta Grada Konjica („Službeni glasnik Grada Konjica“, broj: 10/22) i člana 4. Pravilnika o načinu utroška novčanih sredstava za novčane podrške utvrđene Programom utroška za 2026. godinu sa ekonomskog koda 614311 - Transfer za NVO, mlade, nauka, kultura, obrazovanje, izdavaštvo i pokroviteljstvo programa i manifestacija, Gradonačelnik Grada Konjica, r a s p i s u j e

P O N O V N I J A V N I P O Z I V
za finansiranje projekata NVO, mladih i institucija i ustanova nauke i kulture iz Budžeta Grada Konjica za 2026. godinu

Član 1.

Ovim pozivom reguliše se raspodjela sredstava osiguranih Budžetom Grada Konjica za 2026. godinu namijenjenih sufinansiranju projekata iz oblasti nauke, kulture, obrazovanja i mladih planiranih na kontu 614311-Transfer neprofitnim organizacijama-projekti NVO, projekti za mlade i institucije od značaja za BiH i Ustanova sa područja grada Konjica.

Član 2.

Pravo na prijavu imaju nosioci kulturnih aktivnosti (udruženja iz oblasti nauke, kulture, obrazovanja, udruženja mladih, kulturno-umjetnička društva, Institucije od značaja za BiH i Javne ustanove iz oblasti kulture) koji ispunjavaju sljedeće uslove:

- da su upisani u registar kod nadležnog registracijskog tijela za neprofitne organizacije, najmanje 3 godine od objave javnog poziva,
- da je realizacija prijavljenog projekta u interesu za Grad Konjic.

Član 3.

Prijavu za dodjelu sredstava mogu podnijeti svi navedeni nosioci aktivnosti iz člana 2. ovog Javnog poziva čiji se programi, projekti i aktivnosti odnose na:

- Projekti za mlade
- Nauka, obrazovanje, kultura i očuvanje tradicije
- Zaštita životne sredine (okoliša) i razvoj turizma.

Član 4.

Projekti/programi koji se neće finansirati su:

- projekti udruženja koja nisu izvršila svoje obaveze po ranije odobrenim projektima finansiranim iz Budžeta Grada Konjica;
- projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta;
- projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.);
- projekti koji su usmjereni prema političkim aktivnostima;
- projekti koji su namijenjeni za isključivu dobit pojedinca;

- projekti koji se zasnivaju na dodjeljivanju sredstava trećoj strani.

Sredstva dodijeljena iz Budžeta Grada Konjica za projekte, ne mogu se koristiti za finansiranje sljedećih troškova:

- zakup kancelarijskog prostora,
- naknade za rad predsjednika, podpredsjednika i sekretara,
- naknade za rad upravnog odbora ili drugih radnih tijela organizacije,
- troškove reprezentacije predsjednika i drugih lica iz upravljačke strukture udruženja, fondacije i ustanove.

Član 5.

Aplikanti koji se prijavljuju na javni poziv, osim elektronski popunjenog aplikacijskog obrasca (prilog javnog poziva) koji mora biti potpisan i ovjeren od strane odgovorne osobe i ovjeren pečatom organizacije dužni su dostaviti sljedeću dokumentaciju u originalu ili ovjerenom kopiji: Svi podnosioci prijave za dodjelu sredstava u vezi s aktivnostima iz člana 3. ovog poziva obavezni su dostaviti sljedeću dokumentaciju:

- Rješenje o registraciji
- Uvjerenje o poreznoj registraciji – ID broj;
- Obavještenje o razvrstavanju – klasifikacijska djelatnost;
- Karton deponovanih potpisa;
- Potvrda banke iz koje je vidljivo kako je transakcijski račun solventan i nije blokiran, ne stariji od 3 mjeseca od dana objave ovog Javnog poziva;
- Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu u općini, gradskoj upravi ili kod notara.
- Bilans stanja i bilans uspjeha za 2025. godinu sa vidljivim pečatom Finansijsko informatičke agencije (FIA-e),
- Potvrda udruženja o broju članova iz službene evidencije.

Član 6.

Dostavljena dokumentacija treba biti numerisana i uvezana. U protivnom, projektni prijedlog neće biti razmatran.

Član 7.

Aplikant može aplicirati na ukupan iznos projekta ili dio nedostajućih sredstava, što je dužan navesti u aplikaciji. Aplikant može aplicirati sa jednim projektom za kalendarsku godinu.

Ocjenu pristiglih prijava na Javni poziv za raspodjelu sredstava za finansiranje projekata izvršit će Komisija za provođenje postupka javnog poziva. Komisija će vrednovati pristigle prijedloge projekata/programa aplikantata, prema sljedećim kriterijima s pripadajućim brojem bodova:

- kontinuitet rada i broj članova udruženja
- ciljevi koji se žele postići realizacijom projekta ili programa,
- ciljna grupa
- aktivnosti koje se poduzimaju u svrhu realizacije ciljeva,
- opis prethodne manifestacije ili događaja i očekivani rezultati,
- trajanje i masovnost manifestacije ili događaja,
- stručni kapaciteti nosioca projekta i drugih učesnika
- vidljivost i promocija projekta,
- budžet i racionalnost troškova,
- značaj manifestacije ili događaja za lokalnu zajednicu

Aplikanti su obavezni dostaviti dokaze o ispunjavanju navedenih kriterija za vrednovanje projekata i programa, koji su navedeni u aplikacijskom obrascu koji su sastavni dio Javnog poziva. U slučaju nedostavljanja potrebne dokumentacije po bilo kojem od utvrđenih kriterija, projektni prijedlog neće biti bodovan po kriteriju za koji nije dostavljena potrebna dokumentacija

Član 8.

Lista odabranih projekata objavit će se na službenoj stranici Grada Konjica.

Član 9.

Finansiranje odabranih projekata regulisat će se Ugovorom o međusobnim pravima i obavezama između davaoca budžetskih sredstava i korisnika, kojem je odobreno finansiranje programa/projekta. Sredstva će se isplatiti na osnovu dostavljenih faktura o namjenskom utrošku sredstava i preuzetih obaveza iz ugovora u roku 30 (trideset) dana od dana realizacije projekta.

Član 10.

Prijava sa potrebnom dokumentacijom se dostavlja na protokol Gradske uprave Grada Konjica ili preporučeno putem pošte na adresu:

Grad Konjic

Služba za opću upravu, društvene djelatnosti i mlade

Maršala Tita br. 62, 88400 Konjic

sa naznakom:

"Prijava na Ponovni javni poziv za finansiranje projekata NVO, mladih i institucija i ustanova nauke i kulture iz Budžeta Grada Konjica za 2026. godinu

- NE OTVARATI".

Član 11.

Javni poziv ostaje otvoren 15 dana od dana objave na web stranici Grada Konjica. Prijave dostavljene poslije roka neće se uzeti u razmatranje.

Član 12.

Sve dodatne informacije u vezi učešća na Javnom pozivu mogu se dobiti u Službi za opću upravu, društvene djelatnosti i mlade na broj telefona: +387 36 712 252, svakim radnim danom od 07:00 do 15:00 sati.

DOSTAVITI:

1. Gradonačelniku
2. Službi za opću upravu, društvene djelatnosti i mlade
3. RTV Konjic d.o.o. Konjic
4. Oglasna tabla Grada Konjica
5. www.konjic.ba
6. a/a

GRADONAČELNIK

Osman Ćatić